

ქ. თბილისი

07.03.2022 წ.

1. ხელშეკრულების დამდები მხარეები

ერთი მხრივ, საქართველოს იუსტიციის უმაღლეს საბჭოსთან არსებული სსიპ საერთო სასამართლოების დეპარტამენტი (შემდგომში „შემსყიდველი“), წარმოდგენილი მისი თავმჯდომარის ილია დევიძის სახით და მეორეს მხრივ, „ი/მ რუსუდან კრავიშვილი“-ს (პ/ნ 01024004539) მინდობილი პირის ბეჟან ახვლედიანის (პ/ნ 60001009419) სახით, (შემდგომში „მიმწოდებელი“), საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, NAT220001885 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულებაში გამოყენებულ ტერმინთა განმარტებები

- 2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 2.3. „დღე“, „კვირა“, „თვე“ – კალენდარული დღე, კვირა, თვე.
- 2.4. „შემსყიდველი“ – ორგანიზაცია, რომელიც ახორციელებს შესყიდვას.
- 2.5. „მიმწოდებელი“ – ფიზიკური ან იურიდიული პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი და ობიექტი

- 3.1 საერთო სასამართლოების მანდატურებისათვის საჭირო ფეხსაცმელების სახელმწიფო შესყიდვა (CPV 18800000);
- 3.2. ხელშეკრულებით გათვალისწინებული შესყიდვის ობიექტის აღწერა მოცემულია ფასების ცხრილში, რომელიც ერთვის წინამდებარე ხელშეკრულებას და წარმოადგენს მის განუყოფელ ნაწილს.

4. ხელშეკრულების ღირებულება

- 4.1. საქონლის ერთეულის ფასები განისაზღვრება თანდართული ფასების ცხრილის მიხედვით;
- 4.2. ხელშეკრულების ჯამური ღირებულება შეადგენს 33`536.00 (ოცდა ცამეტი ათას ხუთას ოცდა თექვსმეტი ლარი და 00 თეთრი) ლარს;
- 4.3. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით დადგენილ ყველა გადასახადს.

5. ხელშეკრულების შესრულების კონტროლი

- 5.1. მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებს - სსიპ საერთო სასამართლოების დეპარტამენტის ადმინისტრაციული სამმართველოს უფროსი - ვახტანგ გარდაფხაძე;
- 5.2. შემსყიდველი უფლებამოსილია, ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება-ჩაბარების აქტები დგება ექსპერტიზის დადებითი დასკვნის გათვალისწინებით (საქონლის ძირითადი პარტიების მოწოდებისას მიმწოდებელი ვალდებულია მას დაურთოს ექსპერტიზის დასკვნა 7.2 პუნქტის შესაბამისად);

6.2. ხოლო იმ შემთხვევაში თუ არ ხდება ძირითადი პარტიის მიწოდება, მიღება-ჩაბარების აქტი დგება საქონლის მიწოდების შემდგომ;

6.3 შემსყიდველის მხრიდან მიღება-ჩაბარების აქტის ხელმოწერაზე უფლებამოსილ პირს წარმოადგენს სსიპ საერთო სასამართლოების დეპარტამენტის ლოჯისტიკის სამსახურის უფროსი - ზვიად ძაბირაძე;

7. საქონლის მიწოდების პირობები

7.1 შემსყიდველი მიმწოდებელს გადასცემს ინფორმაციას მანდატურების ვინაობის, სამუშაო ადგილისა და საჭირო ზომების თაობაზე. თავის მხრივ, მიმწოდებელი ვალდებულია ფეხსაცმლის თითოეული წყვილი შემსყიდველს მიაწოდოს ინდივიდუალურ გამჭვირვალე შეფუთვაში, მასზე მანდატურის სახელის, გვარის, სამუშაო ადგილის და ფეხსაცმლის ზომის მითითებით. მოწოდებისას, შემოტანილი საქონელი უნდა იყოს დახარისხებული (დალაგებული) სამუშაოს ადგილის მიხედვით (სასამართლოს დასახელების მითითებით). საზაფხულო ფეხსაცმლის მიწოდება უნდა განხორციელდეს არაუგვიანეს 2022 წლის 01 მაისისა, ზამთრის ფეხსაცმლის კი - არაუგვიანეს 2022 წლის 05 სექტემბრისა;

7.2 მოწოდებული საქონლის შესაბამისობა ხელშეკრულებით განსაზღვრულ პირობებთან დგინდება ექსპერტიზის დასკვნის საფუძველზე. ექსპერტიზის დასკვნა შემსყიდველს წარედგინება წინამდებარე რომელიმე წესის შესაბამისად (კერძოდ ორჯერ: ერთი ზაფხულის ნაწილის მოწოდებისას, მეორე ზამთრის);

1. შემოტანის ეტაპზე შესყიდვის ობიექტს უნდა დაერთოს სსიპ ლ.სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული საექსპერტო დაწესებულების მიერ გაცემული ექსპერტიზის დასკვნა მოწოდებულ საქონლის პარტიაზე, რომელიც დაადასტურებს მოწოდებული საქონლის შესაბამისობას მოთხოვნილ პარამეტრებთან;

ან

2. საქონელი უნდა იქნეს შემოტანილი სსიპ საერთოების დეპარტამენტის საწყობში მიწოდების გონივრულ ვადამდე (მინიმუმ ექსპერტიზის ჩატარებისათვისა და საექსპერტო დასკვნის წარმოდგენისათვის საჭირო ვადით ადრე), რაზედაც გაფორმდება შუალედური მიღება-ჩაბარების აქტი, შემსყიდველისა და მიმწოდებლის წარმომადგენლების თანდასწრებით შემოტანილი ნაწილიდან შერჩევით აიღება ფეხსაცმლის თითო ნიმუში, დაილუქება, მიმწოდებლის მიერ გაიგზავნება საექსპერტო დაწესებულებაში. ექსპერტიზის ხარჯებს გადაიხდის მიმწოდებელი.

7.3 მიწოდების პერიოდში მანდატურის შეცვლის ან დამატების შემთხვევაში, დამატებითი მოთხოვნის საფუძველზე, შემსყიდველი აცნობებს მიმწოდებელს. რომელიც, თავის მხრივ, ვალდებულია მიაწოდოს შემსყიდველს საჭირო საქონელი მოთხოვნიდან არაუგვიანეს 5 სამუშაო დღისა;

შენიშვნა: დამატებითი ნაწილის წარმოდგენისას აუცილებლობას არ წარმოადგენს ექსპერტიზის დასკვნის არსებობა;

7.4 საქონლის მიწოდების ადგილი: საქართველოს იუსტიციის უმაღლეს საბჭოსთან არსებული სსიპ საერთო სასამართლოების დეპარტამენტი. მის: ქ. თბილისი, ძმები ზუბალაშვილების ქ. #6 ან/და ქ. თბილისი, ჭონქაძის 10ა, მოთხოვნის შესაბამისად (სსიპ საერთო სასამართლოების დეპარტამენტის საწყობი);

7.5 შემსყიდველი, ხელშეკრულების დადებიდან 15 (თხუთმეტი) კალენდარული დღის პერიოდში უზრუნველყოფს მანდატური თანამშრომლების რაოდენობასთან დაკავშირებული კორექტირებული მონაცემების მიმწოდებლისათვის გადაცემას.

8. ანგარიშსწორება

8.1. ანგარიშსწორება განხორციელდება ეროვნულ ვალუტაში - ლარში;

8.2. ანგარიშსწორების ფორმა - უნაღდო;

8.3. დაფინანსების წყარო: **2022 წლის სახელმწიფო ბიუჯეტი;**

8.4. ანგარიშსწორება განხორციელდება შესაბამის ეტაპებზე მხარეთა შორის მიღება-ჩაბარების აქტების შედგენის საფუძველზე (მიღება-ჩაბარების აქტები დგება ძირითადი პარტიებზე ექსპერტიზის დადებითი დასკვნის გათვალისწინებით, ხოლო იმ შემთხვევაში, თუ არ ხდება ძირითადი პარტიების მიწოდება, ანგარიშსწორება წარმოებს შესაბამის ეტაპზე მიღება-ჩაბარების აქტის შედგენის დღიდან არაუგვიანეს 10 (ათი) სამუშაო დღის განმავლობაში).

9. ხელშეკრულებაში ცვლილება

9.1. ხელშეკრულების ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, არაუმეტეს ხელშეკრულების თავდაპირველი ჯამური ღირებულების 10%-ისა. გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების გადასინჯა ხდება საქართველოს კანონმდებლობით დადგენილი წესით;

9.3. ხელშეკრულება შეიძლება ასევე შეწყდეს მხარეთა ურთიერთშეთანხმების საფუძველზე.

10. ფორს-მაჟორი

10.1. ხელშეკრულების რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად, თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დამოკიდებული მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით და სხვა გარემოებებით;

10.3. ფორს-მაჟორული გარემოების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. მხარეთა ურთიერთობა

11.1. შემსყიდველი ვალდებულია უზრუნველყოს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში;

11.2. მიმწოდებელი უფლებამოსილია მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში;

11.3. მიმწოდებელი ვალდებულია:

- ა) შეასრულოს ხელშეკრულებით ნაკისრი ვალდებულება სათანადო ხარისხისა და სრული მოცულობით;
- ბ) იმ შემთხვევაში, თუ რომელიმე პარამეტრი არ შეესაბამება „შემსყიდველი“-ს მოთხოვნებს, საკუთარი სახსრებით აღმოფხვრას აღმოჩენილი ხარვეზი და წარმოადგინოს სრულყოფილი ვარიანტი.;

12. ხელშეკრულების პირობების შეუსრულებლობა

12.1. ფორს-მაჟორული გარემოებების გარდა, საქონლის მიწოდების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე, დაგვიანებული ვალდებულების ღირებულების 0.02 %-ს.

12.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 1%-ს, შემსყიდველს უფლება აქვს ცალმხრივად შეწყვიტოს ხელშეკრულება.

- 12.3. სახელშეკრულებო ვალდებულებების სრულად ან ნაწილობრივ შეუსრულებლობის შემთხვევაში, შემსყიდველი უფლებამოსილია შეწყვიტოს ხელშეკრულება და დააკისროს მიმწოდებელს პირგასამტეხლოს შესასრულებელი ნაწილის ჯამური ღირებულების 5%-ის ოდენობით.
- 12.4. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0,02 %-ის ოდენობით.
- 12.5. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

13. ხელშეკრულების მოქმედების ვადა

13.1 ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს 2022 წლის 31 დეკემბრის ჩათვლით.

14. დამატებითი პირობები

- 14.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;
- 14.2. ხელშეკრულება შედგენილია ქართულ ენაზე, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 14.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15. მხარეთა რეკვიზიტები:

შემსყიდველი:

საქართველოს იუსტიციის უმაღლეს
საბჭოსთან არსებული
სსიპ საერთო სასამართლოების დეპარტამენტი
ს/კ 203860642
მის.: ქ. თბილისი, ძმები ზუბალაშვილების ქ. #6

მიმწოდებელი:

ი/მ „რუსუდან კრავიშვილი“
ს/კ 01024004539.
მის: ქ. ქუთაისი, ი.გოგებაშვილის ქ. N16-18-20.
სს „თიბისი ბანკი“
ბანკის კოდი: TBGBGE22
ა/ა: GE95TB7354636010100004
ტ.: 599 27 57 67

ილია დევიძე
თავმჯდომარე

ბეჟან ახვლედიანი
ი/მ რუსუდან კრავიშვილის მინდობილი პირი

№	დასახელება	შესყიდვის ობიექტის კონკრეტული ტექნიკური მახასიათებლები	წარმოშობის ქვეყანა და მწარმოებელი ან/ და სასაქონლო ნიშანი	რაოდენობა (წყვილი)	ერთეულის ფასი (ლარი)	სულ ღირებულება (ლარი)
1	საზაფხულო ფეხსაცმელი	შავი ფერის, ნატურალური ტყავის, კლასიკური ფორმის, დაბალი ყელით, დათბუნვის გარეშე.	საქართველო ი.მ რუსუდან კრავიშვილი ნიშანი არ გააჩნია	256	63	16128.00
2	ზამთრის ფეხსაცმელი	შავი ფერის, ნატურალური ტყავის, ნახევრად მაღალი, დათბუნებული, ჩამოსხმული ძირი, გამოყოფილი ქუსლი.	საქართველო ი.მ რუსუდან კრავიშვილი ნიშანი არ გააჩნია	256	68	17408.00
სულ:						33536.00

ი.მ რუსუდან კრავიშვილი-ს სრულუფლებიანი წარმომადგენელი ბეჟან ახვლედიანი